



國家清史編纂委員會·文獻叢刊

四編

清代稿鈔本

第一九八冊

國家清史編纂委員會·文獻叢刊

四編

清代稿鈔本

第一九八冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社

·廣州·

第一九八冊目錄

東江遺事	一
粵行叢錄	一八三
各國鹽務紀要	三八五
廣西鹽法志	四八五

東江遺事

二卷

滄江漫叟 輯

鈔本

中山大學圖書館藏

序

讀史者謂明之亡也有君而無臣以思陵非亡國之君也然其所以亡有三道焉急于求治率于用人闇于度事急于求治則賢不肖竝列曲直不分止期速効每討一方未行而先與剋日率于用人則巧佞媚嫉者競進正直讜言者日退黨同伐異中外紛然闇于度事則惜餉汰兵用內臣監督將帥至四海鼎沸有瓦解之勢猶妄用體仁延儒嗣昌一輩當國欺君黷貨陷害忠良夫如是欲須臾延國命得乎是以周皇后之將自盡也泣而曰陛下在位一十七年未嘗聽妾一言今日之死固其所矣聞者莫不為之

隕涕夫毛文龍之死天下盡知其冤迨袁崇煥既伏厥辜
即當下詔表暴二人功罪庶幾激勵邊疆而作士氣至其
子承祿為父泣血籲哀朝中竟置不省迄乎國變又十餘
載卹典始終不下尚得謂賞罰之明乎今去勝國且百數
十年一二故老猶有惜文龍抱不白之冤于地下者爰從
各紀傳輯錄為一編曰東江遺事凡二卷以俟後人論定
且使貪功害能者知天道之不爽至于東江既失有識寒
心乃中朝若不介意迨我

太宗文皇帝每降心相從欲脩鄰國之好而思陵卒所然弗
顧馴致流賊披猖躬殉社稷嗚呼讀是編者亦可以悲其

志矣

嘉慶丙寅夏六月滄江漫叟志

東江遺事卷上

滄江漫叟輯

毛將軍碑 談遷棗林雜俎

平遼總兵官左軍都督同知毛公功德碑天啟四年七月
朝鮮立奮忠贊謨立紀明倫靖社功臣輔國榮祿大夫兼
議政府左贊成判義禁府知書筵春秋館成均館事弘文
館大提舉藝文館大提舉金寶撰通政大夫行曹叅議李
瀟書崇政大夫行兵曹判書兼同知成均館事金尚容篆
嘉議大夫平安道觀察使兼兵馬水軍節度使平壤府尹
巡察司李尚奇立石碑文不載銘曰噫：往歲東隣造盤簞我

清邊鯨吞承突急莫之遏堞壘無堅全遼右壤猶難搶攘
厥墟腥羶公時憤切忠胆激烈齧牙張拳獨立一叫揭義
為號趨者爭先曷投曷倚俾賊顧忌以掣以牽謂我共濟
克協大計鵠首東偏獲醜復鎮軍聲始振天討行焉出入
遼瀋形格勢禁罔或恣前恟縮頸不敢西逞關防賴全
瞻彼椹島洪濤淼處得其便洋洋安帖履坦不殆就堯
如天激以忠篆其歸如市累連三曰公父母開口望哺
餘喘其綿匪公是任吾其左袵長城屹然得人死力功章
寵錫褒詔頻宣神旗豹尾以隆閭寄節制其專大業未了
槩見其效四海望延吾言不失有特史筆有貢凌烟擬實

載石先最其績疇壽其傳

毛太保傳 毛先舒小匡文抄

毛太保公名文龍字振南萬歷四年正月十一日生於杭州錢唐之松盛里美鬚目閃、如電為人落拓不治生產好談兵嘗與人群飲酒樓酣拍案呼曰不封侯不罷休衆皆笑之年三十走燕中不遇又之遼左遼帥收之幕下授海州軍官漸至都聞後以王化貞薦假空札數百得便宜行事時天啓元年也公於是率麾下二百九十七人東據皮島皮島者故朝鮮地其地約百餘里四面皆山陡峻惟西邊一隅可通舟楫耳公得之金復海蓋諸州俱震朝廷遂以公為正總兵賜尚方劔未幾進左都督又加太保封

三世襲一子錦衣衛指揮使於是公益自奮勵築城脩樓
櫓立大炮為守禦具又建府鐵山立文廟設學諸生得附
北真隸山東鄉試有中式者屯田鑄錢通商船為長久之
計甚悉遇敵敢戰決勝屢得捷出奇無窮而神亦助之嘗
戰於大石門嶺矢來如雨再易馬皆射死夜半公步而登
山入廢廟顧見廡下有黑馬遂騎之出馬行甚疾數望之
皆辟易退却天明還其軍士皆歡呼及下馬則一黑虎
騰跳而去皆大驚曰大將軍真天人也而丁卯冬有時貴
人膺召入都與所親客言別飲中問曰僕行矣方今以何
事為亟會此客與公私都乃故沉吟久之曰東島大可虞

進諫悉不入與廷弼尤抵牾妄意降敵者李永芳為內應
信西部言謂虎墩免助兵四十萬遂欲以不戰取全勝一
切士馬甲仗糗糧營壘俱置不問務為大言罔中朝尚書
鶴鳴深信之所請無不允以故廷弼不得行其志廣寧有
兵十四萬而廷弼關上無一卒徒擁經畧虛號而已延綏
入衛兵不堪用廷弼請罪其帥杜文煥鶴鳴議寬之廷弼
請用卜年鶴鳴上駁議廷弼奏遣之垣鶴鳴故稽其餉兩
人遂相怨事齟齬而廷弼亦褊淺剛愎有觸必發盛氣
相加朝士多厭惡之毛文龍鎮江之捷化貞自謂發蹤奇
功廷弼言三方兵力未集文龍發之太早致敵恨遼人屠

戮四衛軍民殆盡灰東山之心寒朝鮮之膽奪河西之氣
亂三方並進之謀誤屬國聯絡之算目為奇功乃奇禍耳
貽書京師力詆化貞朝士方以鎮江為奇提聞其言亦多
不服

毛提戎墓誌銘 毛奇齡撰

將軍以冤死其子承祿已不免當是時藁木蒼黃未能叙
衣冠而封之也

大清興其舊時將吏有建開國勲者定南王孔君分藩廣
西道錢唐覓時軍子不得其故居三間已易姓孔君沆涕
去既而他將吏以從龍功受封由浙之嶺表有故校知將
軍子所跡至厚贈之親詣將軍栗號而祭以其殯宮漂于
海未葬深自責乃謀于定南王孔君合葬將軍衣冠于靈
峯莊樹以碣而以予同出姬氏屬為文予准將軍事在勝
代所聞異詞具其事往、與

本朝抗顏行劣蹟不足道况

大清實錄尚未頒其事不定何敢預有述第古人有史傳
有家傳家傳與史傳齒齒所從來久且士庶有行皆許琢
石紀生平將軍賡志沒不為表章即直道安在因據其當
時所傳行狀擴為文寧損無益以畧存不白之意然受冤根
枝所宜著也按狀將軍姓毛氏諱文龍字振南錢塘人也
少孤隨其母養舅氏沈光祚家光祚中萬歷乙未進士官
山東布政司使將軍幼從學受經生業厭之思棄去客有
講孫吳兵法者求其書諦視忍心開光祚竒之及光祚官
山東將軍負博進隱士署無賴聞邊事日棘嘗密走關寧